

***CYNGOR TREF
PENRHYNDEUDRAETH***

Clerc: Glyn E. Roberts

Cadeirydd: Gareth Thomas

glynctp@btinternet.com

cynghorydd.GarethThomas@gwynedd.gov.uk

Uned Polisi Cynllunio ar y Cyd
Llawr Cyntaf
Swyddfeydd Cyngor Dinas Bangor
Ffordd Gwynedd
Bangor
Gwynedd
LL57 1DT

30.03.2015

Annwyl Swyddogion,

Par: Cynllun Datblygu Lleol ar y Cyd Adnau Ynys Môn a Gwynedd 2011-2026

Dyma ymateb Cyngor Tref Penrhyndeudraeth i'r uchod ar sail arolwg manwl a wnaed, drwy holiadur ym mis Chwefror, eleni, ac ar sail adnabyddiaeth fanwl o'r gymuned a'i hanghenion.

Er hwylustod i chi'r Swyddogion mae'r isod yn crisialu'r sylwadau mewn un darlleniad.

Mae diwylliant y maes cynllunio yn mynnu bod rhywogaethau o greaduriaid ac o blanhigion sydd wedi bod dan warchae i'w trin gyda gofal a pharch rhag eu niweidio ymhellach gan gynlluniau adeiladu a pheirianegol ac ati, i'r graddau bod gorchmynion amddiffyn a chadwraeth yn cael eu rhoi arny'n nhw a rheini'n cario grym statudol. A'r un modd gyda rhai mathau o adeiladau.

Mewn gwrthgyferbyniad llwyr, rhwystir y drefn gynllunio rhag rhoi yr un ystyriaeth a pharch i'r Gymraeg. Er ei bod hithau dan warchae trwm ac ar encil, gofodir hi i fod y tu allan i'r diwylliant cynllunio. Mae'r drws wedi ei gau yn ei herbyn.

A hithau yn y caethgyfle hwnnw, thâl cusanu gofidiau a sôn am fesurau lliniaru ddim. Mae angen llawer amgenach ymateb. Dim llai na'i chynnwys o fewn y diwylliant cynllunio a'i chyfri yn un o'r elfennau craidd sy'n gymwys i'w hamddiffyn drwy nawdd statudol.

Gyda hynny mewn golwg, adeiladu tai yn ôl anghenion trigolion ein cymunedau yn unig a ddylid ac nid yn ôl rhagamcanion system y mae ei bwriadau'n groes i hynny.

Does dim arwydd bod awduron y Cynllun Datblygu yn gwybod am anawsterau moduro yn strydoedd Penrhyndeudraeth. Pe baen nhw, go brin y bydden nhw wedi penderfynu diwallu anghenion tai Porthmadog drwy adeiladu yma.

Dydy' cyfeirio at nifer y tai sydd i'w codi ar gyfartaledd blynyddol dros gyfnod y Cynllun ddim yn golygu mai fesul y nifer hwnnw y caen nhw eu hadeiladu. Gallai adeiladwyr godi llawer rhagor na hynny mewn cyfnod byr, degau neu ugeiniau a thrwy hynny gynyddu anawsterau gofodol canol y pentref oherwydd:-

- mae parcio'n broblem fawr yma;
 - nad oes le i ehangu'r ysgol pe bai cynnydd sylweddol yn nifer y plant;
 - bydd cynnydd sylweddol yn y drafndiaeth drwy Benrhyndeudraeth pan gwblheir y Bont Briwet newydd sy'n sicr o arafu symudiad cerbydau ar hyd y briffordd drwy'r pentref;
 - gallai greu anhawster i'r rhai sydd eisiau mynediad i le parcio'r feddygfa, hefyd. Dyma'r fan y trawyd plentyn gan gerbyd ddoe ddiwethaf (Mawrth 20fed 2015) a bu'n rhaid ei gludo i Ysbyty Gwynedd.
- Gan hynny bydd ymdopi ag anghenion tai trigolion Penrhyndeudraeth ei hun yn ddigon heb ychwanegu atynt.

Y mae angen rhoi ystyriaeth ddwys i'r materion gofodol a thrafnidiol hyn.

Papur Asesu Canolfannau Gwasanaeth Lleol – Haen 2 Penrhyndeudraeth

Dylai'r ffaith mai dim ond cynnydd o 2.2% a fu yn nifer y siaradwyr Cymraeg rhwng 2001 a 2011 ym Mhenrhyndeudraeth, bod y boblogaeth rhwng 20-29 mlwydd oed wedi gostwng 6.1% tra bod y boblogaeth dros 65 mlwydd oed wedi cynyddu 16% a nifer y mewnfudwyr wedi codi o 169 i 242 (+43.2%) rhwng 1991 a 2001 (Byddai dadansoddiad o ffigyrau 2001-2011 wedi dangos cynnydd mwy eto, fyth.) fod yn canu clychau yn glir a thaer.

Nid sefyllfa i ymgysuro ynddi ydyw sefyllfa'r Gymraeg ym Mhenrhyndeudraeth, bellach.

Mae'r ysgrifen ar y mur yn sobreiddiol o glir a phendant wrth i ganran ei siaradwyr sicr-lithro tua'r trothwy, os nad tanno, ar ôl pymtheng mlynedd arall o fewnfudo ers 2001.

Yn wyneb hyn, y mae'r frawddeg

'Fodd bynnag, nid yw'r mewnfudiad i weld fel ei fod yn broblem arwyddocaol wrth ystyried fod nifer y siaradwyr Cymraeg wedi cynyddu dros yr un cyfnod (2.2% !)' ar gyfeilrion yn llwyr. Cadarnheir hynny gan y frawddeg ganlynol, yn yr adran Casgliadau,

'Er bod nifer siaradwyr Cymraeg wedi cynyddu (2.2%) rhwng 2001 a 2011 gwelwyd gostyngiad yng nghanran siaradwyr dros yr un cyfnod'

Yma, fe ddylid bod wedi cyfeirio eto at absenoldeb ffigyrau 2001-2011. Heb amheuaeth byddai'r rheini wedi dangos cynnydd sylweddol yn nifer y mewnfudwyr. Ni ellir osgoi'r casgliad bod yma anghysondeb a chroesddweud ac anallu i sylweddoli arwyddocâd ystadegau.

Mae'r rhai ohonom sydd yn byw ym Mhenrhyndeudraeth ac sydd wedi byw yma erioed, yn gwybod beth yw maint y newid yn y boblogaeth, y newid a fu ac sy'n parhau i ddigwydd, a hynny heb help unrhyw arolwg am ei fod yn rhywbeth gweladwy a chlywadwy beunyddiol. Golygu y mae hynny, wrth gwrs, bod newid demograffig sylweddol ar droed; mae'n golygu hefyd, y dylai cyfrifoldeb ieithyddol a diwylliannol cynllunwyr fod yn fater cydwybod.

Enghraifft arall, amlwg, o anghysondeb ydyw hwnnw lle y cyfeirir at y ganran o boblogaeth Penrhyndeudraeth sy'n medru'r Gymraeg. Mae'r trydydd pwynt bwled yn nodi bod 74.8% o'r boblogaeth yn ei medru, sydd yn 4.8% yn uwch na'r trothwy, ond yn yr adran 'Casgliadau' nodir mai 76.5% a 6.5% ydyw'r canrannau.

Pa un sy'n gywir ?

Oherwydd camganfyddiadau ac anghysondebau y papur asesu yma, cyfrifoldeb y Cyngor hwn yw ei wrthwynebu ac annog ei dynnu'n ôl.

Gweler y furflenni ymateb swyddogol isod:-



Defnydd swyddfa yn unig:
Rhif Cynrychiolydd:
Dyddiad derbyn:
Dyddiad cydnabod:

Cynllun Datblygu Lleol ar y Cyd Adnau Ynys Môn a Gwynedd 2011-2026 Ffurflen Sylwadau

Diogelu Data - Y modd y bydd eich sylwadau a'r wybodaeth a roddwch i ni yn cael eu defnyddio.

Bydd yr holl wybodaeth a gyflwynir yn cael ei gweld yn llawn gan staff yr Uned Polisi Cynllunio ar y Cyd sy'n ymdrin â'r Cynllun Datblygu Lleol ar y Cyd (CDLI ar y Cyd). Bydd eich enw a'ch sylwadau fel y maent wedi'u nodi yn eich ffurflen sylwadau yn cael eu cyhoeddi, ynghyd ag ymateb y Cyngor. Bydd hyn yn gymorth i ddangos fod yr ymgynghoriad wedi'i wneud yn iawn. Nodwch hefyd y gall y ffurflen hon gael ei rhoi i unrhyw Ymchwiliad Cyhoeddus ar y CDLI ar y Cyd.

Byddai'n well gennym pe baech yn cyflwyno'ch sylwadau'n uniongyrchol ar-lein. Fel arall, gellir llenwi fersiwn electronig o'r ffurflen hon ar-lein yn www.gwynedd.gov.uk/cdli neu www.ynysmon.gov.uk/cdli. Dylech llenwi ffurflenni ar wahân ar gyfer pob sylw yr hoffech ei wneud.

Cewch ffurflenni sylwadau ychwanegol gan yr Uned Polisi Cynllunio ar y Cyd drwy ffonio 01286 685003 neu gellir eu llawr lwytho o wefan y Cyngor yn: www.gwynedd.gov.uk/cdli neu www.ynysmon.gov.uk/cdli neu gallwch lungopio'r ffurflen hon. Wrth wneud sylwadau, defnyddiwch dudalennau ychwanegol os oes angen, gan nodi rhif y dudalen yn glir.

RHAN 1: Manylion cyswllt

	Eich manylion/ Manylion eich cleient	Manylion yr Asiant (os yw hynny'n berthnasol)
Enw	Cyngor Tref Penrhyndeudraeth	
Cyfeiriad	d/o Clerc [Redacted]	
[Redacted]	[Redacted]	
Rhif Ffôn	[Redacted]	
Cyfeiriad e-bost	[Redacted]	

Nodiadau Canllaw

Rhowch eich sylwadau yn Rhan 2 y ffurflen hon. Defnyddiwch dudalennau ychwanegol os oes angen.

Dylech lenwi ffurflenni ar wahân ar gyfer pob sylw yr hoffech ei wneud.

Mae **Cwestiwn 2dd a 2e** yn gofyn am eich barn ar gadernid y Cynllun Adnau. Rhoddir manylion am y profion cadernid a gwybodaeth ychwanegol ar sut cânt eu defnyddio ar dudalen olaf y ffurflen hon.

Os hoffech i newidiadau gael eu gwneud i'r Cynllun Adnau, gofynnwn i chi fod mor benodol â phosib. Er enghraifft, os hoffech i destun newydd gael ei ychwanegu, nodwch y testun newydd ac esboniwch ymhle yr hoffech ei weld yn y Cynllun Adnau a pham. Hefyd, os hoffech ychwanegu polisi neu baragraff newydd neu eu haddasu, nodwch yn glir beth yw'r testun newydd ac esboniwch ymhle yr ydych chi'n meddwl y dylai fynd yn y Cynllun Adnau a pham.

Os hoffech gael gwared o safle neu gynnig addasiadau i safle sydd wedi'i ddynodi yn y Cynllun Adnau neu os hoffech gynnig safle newydd, gofynnwn i chi atodi cynllun graddfa 1:1250 neu 1:2500 sy'n nodi'n glir ffiniau'r safle. Os ydych yn cynnig safle newydd (un nad yw wedi'i gynnwys yn y Cynllun Adnau) rhaid i chi gynnwys asesiad safle manwl gyda'r ffurflen sylwadau yn unol â methodoleg asesu Safle Arfaethedig y Cyngor a'r fframwaith Arfarnu Cynaliadwyedd. Cewch hyd i'r fethodoleg asesu Safle Arfaethedig a'r fframwaith Arfarnu Cynaliadwyedd ar wefan y Cyngor yn: www.gwynedd.gov.uk/cdll neu www.ynysmon.gov.uk/cdll.

Cewch wybodaeth bellach ar y mater hwn gan yr Uned Polisi Cynllunio ar y Cyd ar **01286 685003** neu ar wefan y Cyngor yn: www.gwynedd.gov.uk/cdll neu www.ynysmon.gov.uk/cdll yn y llyfryn 'Canllawiau Safleoedd Amgen'.

Os yw newidiadau arfaethedig i gynllun datblygu yn cael effeithiau sylweddol ar gynaliadwyedd, bydd gofyn i chi ddarparu'r wybodaeth Arfarnu Cynaliadwyedd berthnasol. Rhaid i'r wybodaeth hon fod yn gyson ag ystod a lefel manylder yr Arfarniad Cynaliadwyedd a gynhelir gan y Cynghorau. Dylai hefyd gyfeirio at yr un wybodaeth waelodlin wrth adnabod effeithiau sylweddol tebygol y polisi diwygiedig neu'r safle newydd.

Dylech gynnwys eich holl sylwadau ar y Cynllun Adnau gan nodi eich achos llawn ar y ffurflen swyddogol, gan ddefnyddio dogfennau ychwanegol os oes angen. Os ydych am weld mwy nag un newid ac yn ystyried nad yw'r Cynllun Adnau yn bodloni mwy nag un prawf cadernid, **dylech lenwi ffurflenni ar wahân ar gyfer pob sylw**. Yn yr un modd, os ydych am wneud sylwadau i gefnogi'r Cynllun Adnau neu elfennau unigol o'r Cynllun Adnau byddai'n ddefnyddiol pe baech yn gwneud y sylwadau hyn ar wahân. Nodwch os ydych yn cyflwyno deunydd arall i gefnogi'ch sylwadau.

Yr unig adeg y bydd gennych gyfle i gyflwyno gwybodaeth bellach i'r Ymchwiliad yw os yw'r Arolygwr yn eich gwahodd i ymateb i faterion y mae ef neu hi wedi'u codi. Nodwch na fydd gan yr Arolygwr sylwadau yr ydych wedi'u gwneud mewn ymateb i ymgynghoriadau blaenorol. Os nad ydych yn ystyried bod y Cynllun Adnau yn gadarn ac y dylid ei newid, esboniwch yn glir pam ydych chi'n meddwl bod angen y newidiadau. Os ydych yn meddwl bod angen gwneud newidiadau er mwyn i'r Cynllun Adnau fodloni un neu fwy o'r profion cadernid, dywedwch wrthym pa un / pa rai.

Os yw grŵp yn rhannu barn gyffredin ynghylch sut mae'n dymuno i'r Cynllun Adnau gael ei newid, bydd y Cynghorau'n derbyn deiseb wedi'i llofnodi. Wrth gyflwyno ffurflen sylwadau ar ran grŵp, dylai'r ffurflen sylwadau gynnwys manylion cyswllt unigolyn arweiniol yn Adran 1 a dylid nodi'r sylwadau'n glir ar y ffurflen sylwadau. Dylai'r ddeiseb sydd wedi'i llofnodi

nodi'n glir faint o bobl sy'n cael eu cynrychioli a sut mae'r sylwadau wedi'u hawdurdodi. Nid yw llofnodi deiseb yn atal neb rhag cyflwyno ffurflenni unigol.

RHAN 2: Eich Sylwadau a Newidiadau a Awgrymir. (*Defnyddiwch un adran Rhan 2 ar gyfer pob sylw yr hoffech ei wneud*)

2a. Ar ba ran o'r Cynllun Adnau yr ydych chi'n gwneud sylwadau?

Polisi rhif (<i>nodwch</i>)	
Paragraff rhif (<i>nodwch</i>)	Taflen Asesu Canolfannau Gwasanaeth Leol - Haen 2 Penrhyndeudraeth
Cynigion/ Map Mewnosod (<i>nodwch y rhif cyfeirnod</i>)	Map 26 Penrhyndeudraeth a Minffordd
Map Cyfyngiadau	
Atodiadau (<i>nodwch</i>)	

2b. A ydych yn gwrthwynebu neu gefnogi?

Gwrthwynebu	<input type="checkbox"/> ✓	Cefnogi	<input type="checkbox"/>
-------------	----------------------------	---------	--------------------------

2c. Rhwng fanylion eich sylwadau ar y Cynllun Adnau.

Cyd-destun

Taflen 'Asesu Canolfannau Gwasanaeth Lleol – Haen 2 Penrhyndeudraeth

Sylwadau

Nid yw'r strategaethau a'r bwriadau arfaethedig wedi'u seilio ar sail tystiolaeth gredadwy yn unol â Phrawf Cadernid CE2. Mae yma anghysondebau a chroesddweud ac anallu i sylweddoli arwyddocâd ystadegau.

Mae'r frawddeg '**Fodd bynnag, nid yw'r mewnfudiad i weld fel ei fod yn broblem arwyddocaol wrth ystyried fod nifer y siaradwyr Cymraeg wedi cynyddu dros yr un cyfnod (2.2%!)**' ar gyfeirion yn llwyr.

Cadarnheir hynny gan y frawddeg ganlynol, yn yr adran Casgliadau, '**Er bod nifer siaradwyr Cymraeg wedi cynyddu (2.2%) rhwng 2001 a 2011 gwelwyd gostyngiad yng nghanran siaradwyr dros yr un cyfnod**'

Hefyd, lle y cyfeirir at y ganran o boblogaeth Penrhyndeudraeth sy'n medru'r Gymraeg, mae'r trydydd pwynt bwled yn nodi bod 74.8% o'r boblogaeth yn ei medru, sydd yn 4.8% yn uwch na'r trothwy, ond yn yr adran 'Casgliadau' nodir mai 76.5% a 6.5 % ydyw'r canrannau. Pa un sy'n gywir ?

*Defnyddiwch dudalennau ychwanegol os bydd angen.
Nodwch faint o dudalennau ychwanegol rydych wedi'u defnyddio.....*

2ch. Os yw eich sylw yn 2c yn fwy na 100 o eiriau, darparwch grynodedb os gwelwch yn dda (dim mwy na 100 o eiriau.

2d Rhowch fanylion y newidiadau yr hoffech eu gweld i'r Cynllun Adnau

Oherwydd camganfyddiadau, anghysondebau, a chroes ddweud y papur asesu hwn, ynghyd â gwybod na wnaed arolwg manwl o anghenion tai cymunedau Penrhyndeudraeth a Minffordd nag o union anghenion tai cymuned Porthmadog, cyfrifoldeb y Cyngor hwn yw ei wrthwynebu ac annog ei dynnu'n ôl.

2dd. Ydi'r Cynllun yn gadarn?

Ydi Nac ydi √

2e. Os ydych chi'n meddwl nad yw'r Cynllun Adnau yn gadarn, pa brawf cadernid ydych chi'n meddwl y mae'n ei fethu? (Ticiwch isod os gwelwch yn dda) Rhoddir mwy o fanylion am y profion cadernid ar gefn y ffurflen hon

Gweithdrefnol				Cysondeb								Cydlyniad ac Effeithiolrwydd							
P1	<input type="checkbox"/>	P2	<input type="checkbox"/>	C 1	<input type="checkbox"/>	C2	<input type="checkbox"/>	C3	<input type="checkbox"/>	C 4	<input type="checkbox"/>	C E1	<input type="checkbox"/>	C E2	<input type="checkbox"/>	C E3	<input type="checkbox"/>	C E4	<input type="checkbox"/>
														√					

Rhan 3: Beth sy'n digwydd nesaf?

Ar y cam hwn o broses y CDLI ar y Cyd, dim ond sylwadau ar bapur y gallwch eu gwneud (a elwir yn 'sylwadau ysgrifenedig'). Fodd bynnag, gall yr Arolygwr alw ar y rheini sydd am newid y Cynllun i ymddangos a siarad â'r Arolygwr mewn 'sesiwn gwrandawriad' yn ystod yr Ymchwiliad Cyhoeddus. Dylech gofio y bydd yr Arolygwr yn rhoi'r un pwys i'ch sylwadau ysgrifenedig ag i'r rheini a wnewch ar lafar yn y sesiwn gwrandawriad.

3a. A ydych am i'ch sylwadau gael eu hystyried fel 'sylwadau ysgrifenedig' neu a hoffech siarad mewn sesiwn gwrandawriad yn yr Ymchwiliad Cyhoeddus? (Ticiwch un o'r isod)

Nid wyf am siarad mewn sesiwn gwrandawriad ac rwy'n fodlon i'm sylwadau ysgrifenedig gael eu hystyried gan yr Arolygwr.

 √

Hoffwn siarad mewn sesiwn gwrandawriad.

3b. Os hoffech siarad, cadarnhewch pam rydych yn ystyried ei bod hi'n angenrheidiol i chi siarad yn y Gwrandawriad.**3c. A fydddech yn hoffi cael gwybod am y canlynol (Ticiwch y blychau perthnasol)**

Cyflwyno'r dogfennau a'r dystiolaeth i'r archwiliad

 √

Cyhoeddi adroddiad yr Arolygydd

 √

Mabwysiadu'r Cynllun

 √**Os ydych wedi darparu dogfennau ychwanegol i gefnogi'ch sylwadau, rhestrwch hwy isod:**

Mae tua 200 o holiaduron ar gael ar gais

Llofnod: GLYN E. ROBERTS

Dyddiedig: 30.03.2015

DIOLCH AM EICH SYLWADAU AR Y CYNLLUN ADNAU

Cofiwch gynnwys unrhyw ddogfennau perthnasol (e.e. Arfarniad Cynaliadwyedd) gyda'r ffurflen hon.

Dylech ddychwelyd ffurflenni sylwadau wedi'u llenwi i'r Uned Polisi Cynllunio ar y Cyd:

AR-LEIN – drwy lenwi'r ffurflen electronig yn www.gwynedd.gov.uk/cdll neu www.ynysmon.gov.uk/cdll

DRWY E-BOST - polisicynllunio@gwynedd.gov.uk

DRWY'R POST - ei hanfon i: Uned Polisi Cynllunio ar y Cyd, Llawr Cyntaf, Swyddfeydd Cyngor Dinas Bangor, Ffordd Gwynedd, Bangor, Gwynedd LL57 1DT

**DYLECH DDYCHWELYD Y FFURFLENNI SYLWADAU DDIM HWYRACH NA 5.00yh ar 31 Mawrth 2015
NI FYDD SYLWADAU A DDERBYNNIR WEDI'R AMSER A'R DYDDIAD YMA YN CAEL EU
HYSTYRIED**

Profion Cadernid

Prawf	Profion Gweithdrefnol
P1	Nid yw wedi'i baratoi yn unol â'r Cytundeb Cyflawni yn cynnwys y Cynllun Cyswllt Cymunedol.
P2	Nid yw'r cynllun a'i bolisiâu wedi bod drwy Arfarniad Cynaliadwyedd yn cynnwys Aseiad Amgylcheddol Strategol.
	Profion Cysondeb
C1	Mae'n gynllun defnydd tir nad yw'n rhoi ystyriaeth i gynlluniau, polisiâu a strategaethau perthnasol eraill sy'n ymwneud â'r ardal neu ardaloedd cyfagos.
C2	Nid yw'n rhoi ystyriaeth i bolisi cenedlaethol.
C3	Nid yw'n rhoi ystyriaeth i Gynllun Gofodol Cymru.
C4	Nid yw'n rhoi ystyriaeth i'r strategaeth gymunedol berthnasol.
	Profion Cydlyniad ac Effeithiolrwydd
CE1	Nid yw'r cynllun yn gosod strategaeth gydlynol ble mae ei bolisiâu a'i ddynodiadau yn llifo'n rhesymegol ohono a/neu pan fo materion trawsffiniol yn berthnasol, nid yw'n gydnaws â'r cynlluniau datblygu a ddarparwyd gan awdurdodau cyfagos.
CE2	Nid yw'r strategaethau, y polisiâu na'r dynodiadau'n realistig nac yn briodol o ystyried y dewisiadau amgen a/neu nid ydynt wedi'u seilio ar sail tystiolaeth gredadwy.
CE3	Nid oes mecanwaith clir ar gyfer gweithredu a monitro.
CE4	Nid yw'n rhesymol hyblyg i alluogi iddo ymdrin ag amgylchiadau sy'n newid.

Noda Deddf Cynllunio a Phrynu Gorfodol 2004 mai pwrpas ymchwiliad i Gynllun Datblygu Lleol (y Cynllun) yw ystyried a yw'n "gadarn". Golyga hyn y dylai unrhyw un sydd am roi sylwadau ar y Cynllun Adnau neu wrthwynebu iddo geisio dweud pam nad yw'n gadarn a beth sydd ei angen er mwyn ei wneud yn gadarn. Yn y cyd-destun hwn, gellir ystyried cadarn i olygu ei ystyr gwreiddiol o "*dangos barn dda*" a "*y gellir ymddiried ynddo*". Er mwyn asesu'r Cynllun Adnau, rydym yn defnyddio'r 10 prawf uchod. Bydd y Cynllun Adnau yn cael ei archwilio gan Arolygwr annibynnol a benodir gan Lywodraeth Cymru a thasg yr Arolygwr fydd ystyried a yw'r Cynllun yn gadarn.

Os ydych yn cynnig newid i'r Cynllun Adnau, fe ddylech nodi'n glir pa brawf/broffion cadernid y credwch y mae'r Cynllun Adnau yn ei fethu/eu methu. Mae'r profion mewn tri grŵp – 'Gweithdrefnol' (dau brawf); 'Cysondeb' (pedwar prawf) a 'Cydlyniad ac Effeithiolrwydd' (pedwar prawf). Os hoffech wneud sylwadau ar y ffordd y mae'r Cynghorau wedi paratoi'r Cynllun Adnau, mae'n debygol y byddai'ch sylwadau neu'ch gwrthwynebiadau yn disgyn o dan un o'r profion gweithdrefnol. Os hoffech wneud sylwadau neu wrthwynebu i gynnwys y Cynllun Adnau, gallai fod yn gymorth i chi edrych ar y profion 'cysondeb' a 'cydlyniad ac effeithiolrwydd'.